

**«Бизнеске миллион»
акциясын өткізу қағидасы**

1. Жалпы ережелер

«Бизнеске миллион» акциясын өткізу қағидасы (бұдан әрі – Қағида) «ОнлайнКазФинанс МҚҰ» АҚ, БСН 160840000397 (бұдан әрі - Ұйымдастырушы) ресми ұсынысы (жария офферта) болып табылады және «Бизнеске миллион» Акциясын ұйымдастыру мен өткізудің барлық маңызды шарттарын, тәртібін қамтиды.

Төменде баяндалған шарттарды қабылдаған және Акция шарттарын орындалған жағдайда тұлға Қатысушы болады және Ұйымдастырушы мен қатысушының (қатысушылардың) қарым-қатынасына Қазақстан Республикасы Азаматтық кодексінің 395-399-баптарының нормалары қолданылады.

Жоғарыда баяндалғанға байланысты Қағиданың мәтінімен мұқият танысыңыз, егер Сіз оның қандай да бір тармағымен келіспесеңіз, Ұйымдастырушы Сізге Акцияға қатысудан бас тартуды ұсынады.

2. Негізгі ақпарат

2.1. Акцияны өткізу кезеңі – 2024 жылғы 01 шілдеден 2024 жылғы 30 қыркүйекке дейін.

2.2. Ұтыс ойынын өткізу күні – 2024 жылғы 01 қазан.

2.3. Жұлде – 1 000 000 (бір миллион) теңге.

2.4. Акция аясында 5 Жеңімпаз анықталады.

2.5. Жалпы жұлде қоры – 5 000 000 (бес миллион) теңге.

2.6. Осы Қағидаларда пайдаланылатын ұғымдар:

Акция - клиенттік базаны ұлғайтуға, микрокредиттерді ашуға бағытталған науқан;

Микрокредит - микрокредит беру туралы шарт негізінде Ұйымдастырушы клиентке ақылылық, мерзімділік және қайтарымдылық шарттарында ұлттық валютада беретін ақша;

Жеңімпаз - Акция шарттарына сәйкес келетін, осы Қағидаға сәйкес жеңімпаз деп танылған Акцияға Қатысушы;

Сайт - Ұйымдастырушының www.solva.kz ресми интернет-ресурсы және/немесе «Solva.kz» мобильді қосымшасы және/немесе Ұйымдастырушының әлеуметтік желідегі [Instagram@solva_app](https://www.instagram.com/solva_app) ресми аккаунты;

Қатысушы – жеке кәсіпкер/өзін-өзі жұмыспен қамтыған, Акция шарттарына сәйкес келетін Ұйымдастырушының клиенті.

2.7. Акцияның шарттары:

- Акцияға Акцияны өткізу кезеңінде Ұйымдастырушымен жасалған микрокредит беру туралы шарт бойынша микрокредит алған¹, ерікті онлайн сақтандыру шарттарын жасасқан және ұтыс ойынын өткізу Күніне микрокредит бойынша мерзімі өткен берешегі жоқ барлық Қатысушылар қатысады;

- Ұтыс ойыны өткізілген және нәтижелері жарияланған кезде Микрокредит қолданыста болуы немесе өтелуі мүмкін;

- Ұйымдастырушының қызметкерлері, олармен үлестес тұлғалар, олардың отбасы мүшелері Қатысушы бола алмайды;

- Ұтыс ойынына ШОБ-тың кез келген өнімі бойынша кез келген сату арналары арқылы микрокредит ресімдеген Қатысушылар қатысады: онлайн (ұйымдастырушының www.solva.kz ресми интернет-ресурсы және/немесе «Solva.kz» мобильді қосымшасы), офлайн (ұйымдастырушының меншікті нүктелері, Серіктестердегі Ұйымдастырушының сату нүктелері);

- Әрбір қатысушы тек бір рет жеңімпаз бола алады және бір Жұлдеден артық ала алмайды;

- Қатысушылар ұйымдастырушының [Instagram@solva_app](https://www.instagram.com/solva_app) әлеуметтік желісіндегі ресми аккаунтына жазылуы тиіс.

3. Акцияның мәні

3.1. Акцияда Жұлделер ойнатылады. Ұтыс ойыны өткізілген Күні Қатысушыға ұтыс ойынына қатысатын бір реттік нөмір жіберіледі. Ұтыс ойынында Ұйымдастырушы өзінің [@solva_app](https://www.instagram.com/solva_app) ресми аккаунтында, кездейсоқ (кездейсоқ сандар генераторы арқылы) random.org интернет-ресурсы арқылы Instagram әлеуметтік желісінің тікелей эфирінде Ұтыс ойынын өткізген күні реттік нөмірі бойынша бес Жеңімпазды анықтайды. Жеңімпаздардың тізімдері www.solvakz

ұйымдастырушысының ресми интернет-ресурсында және/немесе Ұйымдастырушының Instagram @solva_app әлеуметтік желісіндегі ресми аккаунтында жарияланады.

3.2. Жеңімпаз Ұтыс өткізілген күннен бастап 3 (үш) жұмыс Күні ішінде ұйымдастырушыға жүлдені алу және оны алуға байланысты барлық шығындарды өтеу ниеті туралы хабарлауға, сондай-ақ Ұйымдастырушыға сұратылған құжаттарды ұсынуға міндетті. Ұйымдастырушымен +7 701 348 09 77 байланыс орталығына қоңырау шалу арқылы байланысуға болады.

3.3. Өткізілетін Акцияға байланысты барлық қажетті салықтарды төлеуді Ұйымдастырушы қамтамасыз етеді.

3.4. Осы Қағиданың 3.2-тармағында көрсетілген мерзімдерде Жеңімпаздан Жүлдені қабылдау ниетін білдіру туралы немесе оны қабылдаудан бас тарту туралы растауды алмаған жағдайда, сондай-ақ Жеңімпаз Акция шарттарына сәйкес келмеген жағдайда Ұйымдастырушы ұтыс ойынын өткізудің жаңа Күнін белгілейді және Қағиданың 3.1-тармағында белгіленген тәртіпке сәйкес жаңа жеңімпазды айқындау үшін кездейсоқ сандар генераторын қайта іске қосады.

3.5. Сыйлық атаулы болып табылады және оны үшінші тұлғаларға табыстау мүмкін емес.

3.6. Жүлде Жеңімпазға Қағиданың 3.2-тармағында көзделген талаптарды орындаған күннен бастап 30 күнтізбелік күн ішінде микрокредит беру үшін микрокредит беру туралы шартта көрсетілген банк шотының/төлем карточкасының деректемелеріне ақша аудару арқылы ғана беріледі

3.7. Жүлдені алу фактісімен Жеңімпаз Ұйымдастырушының Жеңімпаздың атын жарнамалық мақсаттарда пайдалану құқығымен, сондай-ақ Ұйымдастырушының жарнамалық роликтерге қатысу үшін Жеңімпазды тарту, өзінің жарнамалық мақсаттарында фото және бейне материалдарды пайдалану құқығымен келіседі.

3.8. Ұйымдастырушының Акцияны өткізу мерзімін ұзартуға, Жүлдені беру рәсімін өзгертуге және сайтта Акция және оны өткізу тәртібі туралы қосымша ақпаратты жариялауға құқылы.

3.9. Ұйымдастырушы оны өткізуден бас тартқан жағдайларда Сайтта тиісті ақпараттық хабарламаны орналастыру арқылы Ұтыс ойыны өткізілмеген деп танылады. Бұл ретте Ұтыс ойыны болмаған жағдайларда Ұйымдастырушыға қатысты қандай да бір жауапкершілік шараларын қолдануға болмайды.

3.10. Акцияның барлық Қатысушылары оған қатыса отырып, осы Қағидаға көзделген талаптармен келіседі, оларды ұстануға және орындауға міндеттенеді. Егер Ұйымдастырушы Акция шарттарын бұзған немесе Жүлдені алу үшін алаяқтық және/немесе алдау актілерін жасаған Қатысушыларды анықтаса (айыбын ашса), Жеңімпаз Жүлдені алу құқығынан айырылады. Ұйымдастырушы Жүлдені алудан бас тарту туралы қабылдаған шешім түпкілікті болып табылады.

3.11. Ұйымдастырушы мыналар үшін жауапты емес:

- 1) Қатысушылардың осы Қағидаға көзделген міндеттерді орындамау (уақтылы орындамау);
- 2) Қатысушының осы Қағиданы білмеуінен туындаған жағдайлар;
- 3) Интернет желісіндегі техникалық проблемалар және (немесе) алаяқтық және (немесе) Акция жүргізу кезінде пайдаланылатын байланыс арналары нәтижесінде Қатысушылардан хаттар, қоңыраулар, факсимильді және (немесе) электрондық хабарламалар, соның ішінде почта немесе курьерлік қызметтің, байланыс ұйымдарының кінәсінен сәлемдемелер алмау;
- 4) Қатысушылардан Акцияны өткізу және Жүлдені беру мақсатында қажетті толық емес және (немесе) дұрыс емес байланыс және (немесе) өзге де мәліметтерді алу.

4. Тараптардың жауапкершілігі

4.1. Тараптар осы Қағиданың шарттарында көзделген жағдайларда және тәртіппен жауаптылықта болады немесе олардан босатылады.

4.2. Қалған жағдайда Тараптар Қазақстан Республикасының қолданыстағы заңнамасында көзделген жалпы негіздер бойынша жауапты болады.

5. Дербес деректер мен ақпарат, заңмен қорғалатын құпияны құрайтын мәліметтер

5.1. «Дербес деректер және оларды қорғау туралы» Қазақстан Республикасының Заңына сәйкес Қатысушы осы Қағиданың шарттарымен келісе отырып, Қатысушы Ұйымдастырушының тек қана осы Қағиданың мақсаттары үшін, сондай-ақ осы Қағиданың заңмен тыйым салынбаған көрсетілген кез келген тәсілмен оның ЖСН және телефон нөмірі туралы дербес деректерді жинауды, өңдеуді, қол жеткізуді, сақтауды, алуды және таратуды, трансшекаралық беруді жүзеге асыруымен келіседі.

5.2. Қағиданың шарттарымен келісе отырып, Қатысушы, соның ішінде осы Қағиданың шарттарын орындау нәтижесінде Ұйымдастырушыға белгілі болған қатысушы туралы,

микрокредит туралы заңмен қорғалатын құпияны құрайтын ақпаратты Ұйымдастырушы тек осы Қағиданы орындау мақсаттары үшін немесе осы Қағидаға көзделген немесе Қазақстан Республикасының қолданыстағы заңнамасымен белгіленген жағдайларда, мұндай ақпаратты үшінші тұлғаларға беру Ұйымдастырушы үшін міндетті болған кезде ғана бере алатындығына келіседі.

6. Өзге шарттар

6.1. Ұйымдастырушының осы Қағиданың шарттарын бұзғаны үшін, егер мұндай бұзушылық еңсерілмейтін күш (форс-мажор) мән-жайларының, соның ішінде: мемлекеттік билік органдарының іс-әрекеттері (соның ішінде құқықтық актілерді қабылдау), өрт, тасқын су басу, жер сілкінісі, басқа да табиғи апаттар, электр энергиясының болмауы және/немесе компьютерлік желі жұмысының бұзылуы, ереуілдер, азаматтық толқулар, тәртіпсіздіктер, жоғарыда аталғандармен шектелмей Ұйымдастырушының осы Қағиданың шарттарын орындауына әсер етуі мүмкін кез келген өзге мән-жайлар әсерінен туындаса жауапкершіліктен босатылады.

6.2. Ұйымдастырушы Қағиданың шарттарына өзгерістер енгізу құқығын өзіне қалдырады, осыған байланысты Қатысушы Сайтта жарияланған осындай өзгерістерді үнемі қадағалап отыруға міндеттенеді.

6.3. Ұйымдастырушы желінің, компьютерлік техниканың, аппараттық және/немесе бағдарламалық жасақтама жұмысының салдарынан орын алған, жіберуді немесе Акцияға қатысу үшін деректерді алуды шектейтін немесе кешіктіретін кез келген қателіктер үшін жауапты болмайды. Ұйымдастырушы барлық деректердің тиісті түрде берілетініне кепілдік бермейді және мұндай деректерді ұсынбау салдарынан Акцияға қатысудың жіберіп алған мүмкіндігі үшін жауап бермейді.

6.4. Осы Қағида қазақ және орыс тілдерінде жасалды, мәтіндерде сәйкессіздіктер туындаған жағдайда орыс тіліндегі мәтін басымдылыққа ие болады.

7. Ұйымдастырушының деректемелері

«ОнлайнКазФинанс» МҚҰ»

АҚ

БСН 160840000397

Заңды мекенжайы: Қазақстан Республикасы, Алматы қ., Алмалы ауданы, Сейфуллин даңғылы, 502 үй, 9-шы қабат, пошта индексі 050012